



COMUN DI CJAMPFUARMIT

Provincie di Udin

Plaçâl dal Municipi, 9 - 33030 Cjampfuarmit (P.I. 00485010300 - C.F. 80004790301)

telefon 0432/653511 - fax 0432/663581

REGOLAMENT COMUNÂL PE GJESTION DAI REFUDUMS URBANS (NORMIS TECNICHS DI METUDE IN VORE)

Al è stât esaminât de Comission pe Revision dal Statût e dai Regolaments inte sentade dai 06.02.2008.

Al è stât fat bon cu la deliberazion dal Consei Comunâl n. 11 dai 13.02.2008.

TABELE

TITUL I - SERVIZIS

Art. 1 - Assunzion dal servizi

TITUL II - RACUELTE CJASE PAR CJASE

Art. 2 - Racuelte cjase par cjase – Servizi ordenari

Art. 3 - Racuelte cjase par cjase – Servizi supplementârs

Art. 4 - Racuelte cjase par cjase – Servizi straordenaris

TITUL III - GJESTION E FRUIZION DES PLAÇUTIS ECOLOGJICHIS

Art. 5 - Carateristichis de plaçute ecologjiche

Art. 6 - Personâl di custodie

Art. 7 - Conferiment

Art. 8 - Oblics e improibizions

Art. 9 - Servizi di racuelte atîfs li des plaçutis ecologjichis

Art. 10 - Plaçutis ecologjichis in esercizi

TITUL IV - GJESTION DI PARTICOLÂRS CATEGORIIS DI REFUDUMS

Art. 11 - Pilis e medisinis

Art. 12 - Pulizie des stradis

Art. 13 - Cestelins stradâi

Art. 14 - Refudums abundants

Art. 15 - Refudums dai marcjâts

TITUL V - COMPOSTAÇ DOMESTIC

Art. 16 - Definizion

Art. 17 - Metodologjiis di compostaç

Art. 18 - Refudums compostabii

Art. 19 - Modalitâts di compostaç

TITUL VI - REFUDUMS DAL CIMITIERI E REFUDUMS CHE A VEGNIN FÛR DES ATIVITÂTS DAL CIMITIERI

Art. 20 - Dissipline dal setôr

Art. 21 - Gjestion dai refudums dal cimitieri

TITUL I

SERVIZIS

Art. 1 - Assunzion dal servizi

Li dal Comun di Cjampfuarmit a son stâts istituûts i servizis di racuelte dai refudums, urbans e assimilâts, seguitîfs:

A) Refudums diferenziâts che a son destinâts al recupar:

- imblaçs in veri e veri;
- cjarte e carton;
- imblaçs in plastiche;
- latinis e bussui;
- metai ferôs e no di fier;
- frazion organiche verde;
- frazion organiche umide;
- len;
- bens che a durin / refudums di aparecjaduris eletrichis e eletronicichis;
- vuelis e gras vegjetâi esaurîts;
- plastichis;
- lampadis fluoressentis;

B) Refudums diferenziâts che a son destinâts al smaltiment:

- refudums intrigôs;
- pilis esauridis;
- medisinis scjadudis;
- scartums di vernîs e relatîfs imblaçs primaris;

C) Refudums no diferenziâts che a son destinâts al smaltiment:

- refudum sec vanzât (a son includûts i refudums depositâts intai cestelins stradâi);
- refudum di pulizie des stradis.

TITUL II

RACUELTE CJASE PAR CJASE

Art. 2 - Racuelte cjase par cjase – Servizi ordenari

2.1 - Refudums che a son ogjet di racuelte

IMBALAÇS IN VERI E VERI

Refudums ametûts

Butilis, bussui e altris contignidôrs in veri.

Lastris di veri rotis in piçulis parts (sù par jù inte misure massime di une lastre par ogni conferiment).

Refudums no ametûts

Intai contignidôrs pe racuelte dal veri al è vietât introdusi refudums diferents di chei permetûts, tant che a titul di esempi:

- ogjets in ceramiche (cjicaris, plats, brocjis e vie indevant);
- lampadis di cualsisei gjenar (a incandessence, a consum bas, canis fluoressentis e vie indevant);
- bombulutis nebulizadoris;
- latinis e bussui in metal;
- ogjets cun vanzums evidents di ce che al ere contignût;
- veris speciâi.

Prescrizions ulteriôrs

Al è vietât doprâ sacuts di plastiche.

CJARTE E CARTON

Refudums ametûts

Gjornâi, rivistis, libris, cuaders, notes, fotocopiis, imbalça in cartoncin e scjatulis di detersîfs, cartons pes bevandis (lat, struc di pomis e vie indevant), imbalça in carton, pilis di cjarte e di carton.

Refudums no ametûts

Intai contignidôrs pe racuelte de cjarte al è vietât introdusi refudums diferents di chei ametûts, tant che a titul di esempi:

- plastiche;
- imbalça in polistirûl;
- cjarte sporje o contaminade;
- len;
- cjarte catramade, cartonzès, cjarte di veri, sacs pe edilizie.

Prescrizions ulteriôrs

Prime del conferiment l'utent al è tignût a rimovi eventuâi prodots no di cjarte che a son presints dendi dai cartons (par esempi polistirûl, sacuts e vie indevant).

IMBALAÇS IN PLASTICHE E LATINIS

Refudums ametûts

Imbalaçs in plastiche di gjenar domestic che a son cence vanzums evidents dal contignût, tant che specificât achì sot:

IMBALAÇS DI PRODOTS ALIMENTÂRS

- butilis di aghe minerâl, bibitis, strucs di pomis, lat e vie indevant;
- bocins/dispensîrs di sirops, salsis, jogurts e vie indevant;
- confezions rigidis par dolçums (par esempi: scjatulis trasparentes e guantieris internis a improntis);
- contignidôrs flessibii / rigidis par aliments in gjenar (par esempi: persuts, formadis, pomis, verdure e vie indevant);
- bustis e sacuts par aliments in gjenar (par esempi: paste, rîs, patatinis, caramelis, prodots congjelâts e vie indevant);
- vascjutis par quartâ i ûfs;
- vascjutis par aliments, par cjar e pes, par gjelâts;
- contignidôrs par jogurt, cremis di formadi, dessert;
- rêts pes pomis e pe verdure;
- films e peliculis;
- bussui par aliments in polvar;
- contignidôrs varis pai aliments dai animâi;
- tapons;
- casselis pai prodots ortofrutcui e alimentârs.

IMBALAÇS DI PRODOTS NO ALIMENTÂRS

- bocis e contignidôrs par detersîfs, savon, prodots pe igjen de cjase, prodots pe igjen de persone, cosmetics, aghe distilade (capacitât massime di cinc litris);
- bussui par confezionâ i prodots (par esempi: cosmetics, articui di cancelarie, tavaiuçs umits e vie indevant);
- blister, contignidôrs rigidis e formâts a sagume (par esempi: scus par zugatui, pilis, articui di cancelarie e vie indevant);
- scjatulis e bustis par confezionâ i vistiaris (par esempi: cjamesis, blancjarie intime, cjalcis, cravuatîs);
- sacs, sacuts e bustis (par esempi: shoppers, sacs pai detersîfs, sacs pai aliments dai animâi e vie indevant);
- films e peliculis di imbalaç slargjabii o rigidis;
- vâs monoûs par vivarisim;
- scus, baris e chips di imbalaç in polistirûl expandût;
- reghetis pes leaduris dai pacs.

IMBALAÇS DI METAL

Latinis e bussui in alumini e in bande stagnade di volum massim di cinc litris, cence vanzums evidents dal contignût; stropui e tapons in metal; vascjutis di alumini; sfueis di alumini.

Refudums no ametûts

Intai contignidôrs pe racuelte dai imbalaçs in plastiche al è vietât introdusi refudums diferents di chei ametûts, tant che a titul di esempi:

- articui pe cjase tant che seglots, vascjetis, disgotepastis, scudielis, complements di furniment e vie indevant;
- zugatui;
- custodiis par CD, cassetis pe musiche e cassetis pal video;
- plats, tacis e posadis in plastiche;

- canui e canis pe irigazion;
- materiâi pe edilizie e pe implantistiche, tant che canui, pocets e vie indevant;
- bussui e sacuts par colis, vernîs, solvents, vuelis e vie indevant;
- croçulis par picjâ i vistûts;
- borsis, ronçs e sportis;
- cinisârs e puartelapis;
- bidons e cestelins puarterefudums;
- cartelinis, puartedocuments e vie indevant;
- componentistiche e acessoris pe machine;
- imbalaçs cun vanzums evidents di contignût (sostancis pericolosis, no pericolosis o in putrefazion);
- vâs e sotvâs;
- fîi eletricos;
- cuviertons e cjaminis di arie;
- tanichis par combustibii;
- sacs par materiâi di costruzion: cjalcinis, maltis, ciments, colis e vie indevant;
- cualsei manufat che nol è in plastiche;
- refudums dai ospedâi (par esempi: siringjis, sachis pal plasme, contignidôrs pai licuits fisiologjics e pe emodialisi);
- bombulutis nebulizadoris par prodots chimics;
- bussui di vernîs;
- prodots chimics etichetâts T/F/vie indevant;
- latis pal vueli dal motôr.

Prescrizions ulteriôrs:

- i contignidôrs dai prodots alimentârs a scuegnin jessi resentâts par rimovi vanzums eventuâi e par limitâ la formazion dai odôrs;
- i imbalaçs in plastiche che a vegnin fûr des utencis economichis (cussì clamâts “tirants”), constituîts di films e di peliculis di imbalaç slargjabii o rigjits; vâs monoûs par vivarisim; lis reghetis pes leaduris dai pacs a son ametudis nome inte misure massime complessive di 20 chilograms par ogni conferiment;
- i imbalaçs in polistirûl expandût, che a vegnin fûr des utencis economichis (scus, sbaris e chips), a son ametûts inte misure complessive di cinc chilograms par ogni conferiment.

REFUDUM ORGANIC UMIT

Refudums ametûts

Vanzums alimentârs, aliments scjadûts, pan vecjo, vues piçui, scus di ûf, fonts di cafè, filtris di te e tisanis, tavaiuçs di cjarte onts, cinisis di len studadis, flôrs taiâts, scussis di pomis secjis, altris refudums biodegradabii.

Refudums no ametûts

Intai contignidôrs pe racuelte dal organic al è vietât introdusi refudums diferents di chei ametûts, tant che a titul di esempi:

- fodris di cualsei gjenar in plastiche o metal;
- sacuts di plastiche;
- cualsei sostanze che no è biodegradabile

Prescrizions ulteriôrs

Al è vietât doprâ sacuts di plastiche.

REFUDUM SEC VANZÂT

Refudums ametûts

Refudums no riciclabii e no pericolôs di dimensions piçulis, tant che a titul di esempi:

- plats, tacs e altris massariis monoûs di plastiche o di cjarte plastificate;
- panzits, blecs e assorbents igjenics;
- ocis;
- creps di ceramiche;
- spaçulis, spacetins di dincj, sponzis e rasôrs;
- ogjets e canis di gome;
- imblaçs spores o cun vanzums evidents dal contignût;
- cosmetics e canelis di dentifrici;
- lampadinis, machinetis, penis e altris ogjets di cancelarie;
- peçots, collant, scarpis, e draps;
- buians di animâi dumiestis;
- croçulis di picjâ;
- borsis e ronçs;
- refudums assimilâts no diferenziâts, daûr dal art. 23 dal Regolament presint – Part Gjenerâl.

Refudums no ametûts:

- refudums che a son destinâts al recupar par mieç di un servizi specific di racuelte diferenziade;
- refudums di dimensions grandis;
- refudums pericolôs;
- refudums speciâi non assimilâts;
- cuarps di animâi muarts;
- vanzums di macelazion.

Prescrizions ulteriôrs

Materiâi e ogjets che a tain a van consegnâts in condizions di sigurece (par esempi: involuçats intune cjarte, didentri a contignidôrs in plastiche e vie indevant).

2.2 - Contignidôrs in dotazion

Par ogni utence a vegnin metûts a disposizion contignidôrs specifics pe racuelte, tant che al è specificât achì sot:

UTENCIS DOMESTICHIS		
	UTENCIS DOMESTICHIS SINGULIS	UTENCIS CONDOMINIÂLS CONVENZIONADIS
<i>Organic unit</i>	<ul style="list-style-type: none">- Cestelins di sotlavel di litris 7,00- Sacuts biodegradabii- Bidon maron di 25 litris	<ul style="list-style-type: none">- Cestelins di sotlavel di litris 7,00- Sacuts biodegradabii- Bidon maron cun carel di litris 240,00

	UTENCIS DOMESTICHIS SINGULIS	UTENCIS CONDOMINIÂLS CONVENZIONADIS
<i>Cjarte e carton</i>	- Bidon zâl di litris 50,00	- Bidon cun carel di litris 240,00 - Casson di litris 750,00 / 1.100,00
<i>Veri</i>	- Bidon vert di litris 35,00	- Bidon cun carel di litris 240,00
<i>Imbalaçs in plastiche e latinis</i>	- Bidon celest di litris 70,00 (nome a Cjampfuarmit) - Sacuts celescj trasparentis	
<i>Sec vanzât</i>	- Sacuts zâi trasparentis	- Casson di litris 750,00 / 1.100,00

UTENCIS NO DOMESTICHIS

	PRODUZIONI PIÇULIS	PRODUZIONI GRANDIS
<i>Organic umit</i>	- Bidon maron di litris 25,00	- Bidon cun carel maron di litris 240,00
<i>Cjarte e carton</i>	- Bidon zâl di litris 50,00	- Bidon cun carel di litris 240,00 - Casson di litris 750,00 / 1.100,00
<i>Veri</i>	- Bidon vert di litris 35,00	- Bidon cun carel di litris 240,00
<i>Imbalaçs in plastiche e latinis</i>	- Bidon celest di litris 70,00 - Sacuts celescj trasparentis	
<i>Sec vanzât</i>	- Sacuts ros trasparentis	- Casson di litris 750,00 / 1.100,00

2.3 - Deroghis al implei dai contignidôrs in dotazion

Intal câs che la produzion di refudums e superi la capience dai contignidôrs in dotazion o in mancjance dai midiesims il conferiment dai refudums al pues jessi fat cu lis modalitâts seguitivis:

- **Cjarte e carton:** sacs e borsis di cjarte, scjatulis di carton, pacs di cjarte leâts cul spali in fibre naturâl;
- **Imbalaçs in plastiche e latinis:** sacs di plastiche trasparentis; lis casselis di plastiche par ortofrucicui e simii a puedin jessi lassadis bessolis;
- **Veri:** seglot o baccinele di poni a flanc dal contignidôr assegnât;
- **Organic umit:** seglot o baccinele cuvierts di poni a flanc dal contignidôr assegnât.

Il pês dal singul cuel nol dovarà superâ i vincj chilograms. I contignidôrs eventuâi a dovaran risultâ adats al prelêf manuâl intal rispjet des disposizions in materie di sigurece e salût dai lavoradôrs.

E va evitate la dispersion dal materiâl di bande dai agjents atmosferics o dai animâi.

2.4 - Modalitâts di conferiment

I contignidôrs a scuegnin jessi posizionâts dal utent e intal rispjet dai calendaris e dai oraris di racuelte, dilunc i marcjepîts o sul cei des stradis dongje de proprie abitazion, condomini o unitât productive / comerciâl. Dopo che e je stade fate la racuelte, l'otent al scuen tornâ a meti i siei contignidôrs no a pierdi al interni de sô proprietât.

I contignidôrs a scuegnin jessi colocâts intal rispjet dai oraris seguitîfs:

	UTENCIS DOMESTICHIS	UTENCIS ECONOMICHS
<i>Organic umit</i>	Des oris 20.00 aes oris 24.00 de zornade che e precêt la racuelte	Des oris 17.00 aes oris 24.00 de zornade che e precêt la racuelte
<i>Cjarte e carton</i>	A partî des oris 20.00 de sere prime, fint aes oris 6.00 de zornade di racuelte	A partî des oris 17.00 de sere prime, fint aes oris 6.00 de zornade di racuelte
<i>Veri</i>	A partî des oris 20.00 de sere prime, fint aes oris 6.00 de zornade di racuelte	A partî des oris 17.00 de sere prime, fint aes oris 6.00 de zornade di racuelte
<i>Imbalaçs in plastiche e latinis</i>	A partî des oris 20.00 de sere prime, fint aes oris 6.00 de zornade di racuelte	A partî des oris 17.00 de sere prime, fint aes oris 6.00 de zornade di racuelte
<i>Sec vanzât</i>	Des oris 20.00 aes oris 24.00 de zornade che e precêt la racuelte	Des oris 17.00 aes oris 24.00 de zornade che e precêt la racuelte

Cun limitazion aes utencis economicis, se la zornade che e precêt la racuelte no je lavorative si fâs riferiment ae ultime zornade lavorative utile.

Pe racuelte dal refudum organic umit al va metût fûr nome il bidon maron: al è vietât esponi pe racuelte il cestelin e/o il sachet dal materiâl biodegradabil.

2.5 - Lavade dai contignidôrs

I contignidôrs a scuegnin jessi conservâts in condizions igjenichis adeguadis cul fin di evitâ la creazion di malodôrs e il svilup di agjents patogjens. La lavade e la pulizie dai contignidôrs e je a caric dai utents.

La pulizie e à di jessi fate cun cure, doprant detergjents e disinfetants che a garantissin l'igjen e la sigurece dal utent stes e dal personâl assegnât ae racuelte, cence danegjâ il contignidôr.

Il Gjestôr al podarà ativâ un servizi di pulizie specific par une o par plui tipologjiis di contignidôrs, e a domande dai utents. Lis relativis cjamis economicis a son stabilidis dal disciplinâr pe aplicazion de Tarife di Igjen Ambientâl (TIA).

2.6 - Oraris des frecuencis e zornadis di racuelte

Il servizio di racuelte cjase par cjase, li dal Comun di Cjampfuarnit, si fâs intes zornadis seguitivis e cui oraris e cu lis frecuencis che a vegnin daûr:

	FRECUENCE	ZORNADIS	INIZI RACUELTE
<i>Organic umit</i>	Bisetemanâl	Lunis - Joibe	Des oris 2.00
<i>Cjarte e carton</i>	Ogni cuindis dîs	Vinars	Des oris 6.00
<i>Veri</i>	Ogni cuindis dîs (setemanâl pai bar, ristoranti e vie indevant)	Vinars	Des oris 6.00
<i>Imbalaçs in plastiche e latinis</i>	Ogni cuindis dîs	Vinars	Des oris 6.00
<i>Sec vanzât</i>	Setemanâl	Joibe	Des oris 2.00

Il calendari di racuelte, che al cjape dentri ancje i recupars des zornadis di fieste, al è definît e preparât dal Gjestôr e al ven trasmetût a ducj i utents prime dal inizi di ogni an solâr.

Art. 3 - Racuelte cjase par cjase – Servizis supplementârs

I servizis supplementârs di racuelte cjase par cjase a vegnin ativâts su domande de utence, dopo che e je stade fate une verifiche tecnica e economica di bande dal Gjestôr.

I servizis previodûts e lis modalitâts relativis di racuelte (contignidôrs assegnâts, oraris, zornadis e frecuencis definitivis) a vegnin definidis dal Gjestôr su la fonde dal seguitîf scheme descritîf:

Refudums che a son ogjet di servizis supplementârs	UTENCE NO DOMESTICHE (contignidôrs)	UTENCE DOMESTICHE (contignidôrs)	FRECUENCE
<i>Carton</i>	Bessôl – Casson di litris 1.100,00 – Bene di metris cubis 6,00 / 7,00 – Container cjarezabil	Nol è disponibil nissun contignidôr	Setemanâl
<i>Imbalaçs in plastiche industriâi</i>	Bessôl – Casson di 1.100 litris – Bene di metris cubis 6,00 / 7,00	Nol è disponibil nissun contignidôr	Ogni cuindis dîs
<i>Casselis di len</i>	Bessôl – Casson di litris 1.100,00 – Bene di metris cubis 6,00 / 7,00	Nol è disponibil nissun contignidôr	Ogni cuindis dîs / Setemanâl
<i>Passaç supplementâr pal Sec vanzât (blecs e simii)</i>	Casson di litris 750,00 / 1.100,00	Sacut dedicât	Setemanâl

Lis utencis che a gjoldin dai servizis supplementârs par une o par plui tipologjiis di refudum, pal solit no puedin lassâ, li des plaçutis ecologjichis, lis tipologjiis di refudum interessadis.

Art. 4 - Racuelte cjase par cjase – Servizis straordenaris

I servizis straordenaris di racuelte cjase par cjase a vegnin ativâts su domande de utence, dopo une verifiche tecniche e economiche di bande dal Gjestôr. Lis relativis cjamis economicis a son stabilidis dal dissiplinâr pe aplicazion de Tarife di Igjen Ambientâl (TIA).

I servizis previodûts e lis relativis modalitâts di racuelte a vegnin definidis dal Gjestôr su la fonde dal seguitîf scheme descritîf:

Refudums che a son ogjet di servizis straordenaris	UTENCE NO DOMESTICHE (cualitât dal servizi)	UTENCE DOMESTICHE (cualitât dal servizi)	MODALITÂT
<i>Refudum vegetâl di zardins e parcs</i>	Servizi di racuelte domiciliâr	Servizi di racuelte domiciliâr	A calendari
<i>Pulizie dai contignidôrs</i>	Pulizie dai contignidôrs di capacitât superiôr o uguâl a litris 240,00	Pulizie dai contignidôrs condominiâi	A calendari
<i>Refudums sanitaris che a vegnin fûr de auto-medicazion</i>	Nol è disponibil nissun servizi	Servizi di racuelte domiciliâr e di furnidure dai contignidôrs a pierdi fats a pueste	A calendari
<i>Vanzums di macelazion</i>	Nol è disponibil nissun servizi	Servizi di racuelte domiciliâr	A clamade
<i>Cuarps di animâi muarts</i>	Nol è disponibil nissun servizi	Servizi di racuelte domiciliâr	A clamade

TITUL III

GJESTION E FRUIZION DES PLAÇUTIS ECOLOGJICHIS

Art. 5 - Carateristichis de plaçute ecologjiche

La *plaçute ecologjiche* e je stade fate in maniere di garantî condizions buinis di sigurece intal conferiment e intal prelêf dai refudums. In particolâr e scuën:

- vê une cente dilunc il so perimetri;
- jessi acessibile al public nome in presince di personâl di custodie e in oraris prefissâts;
- permeti il conferiment, intai spazis o intai contignidôrs specifics, dai materiâi dividûts par gjenars omogjenis;
- evitâ pericui pal ambient e pe salût.

Art. 6 - Personâl di custodie

Al personâl deputât ae custodie des plaçutis ecologjichis a tocjin i compits seguitîfs:

- garantî la viertidure e la sierade dai ristiei intai oraris stabilîts;
- controlâ il possès des carateristichis domandadis ai utents pal conferiment dai refudums;
- registrâ i conferiments fats di bande di ogni utent, intal rispjet des modalitâts stabilidis dal Gjestôr;
- aciertâ la idoneitât dai refudums lassâts ai servizis istituûts li des plaçutis ecologjichis;
- direzi la utence ae diferenziazion corete dai refudums;
- judâ l'otent intes operazions di conferiment;
- proviodi ae pulizie des struturis;
- invidâ i utents che no puedin fâ il conferiment, o che a intindin consegnâ materiâi no permetûts, a lâ vie de plaçute ecologjiche, o pûr segnalâ subit ae Polizie Comunâl e/o al Gjestôr eventuâi compuartaments scorets di bande de utence;
- tegni nete e decorose ogni plaçute.

Art. 7 - Conferiment

Il conferiment dai materiâi al ven fat diretementi dai utents, in maniere autonome e cun mieç propri, daûr des tabelis informativis picjadis su ognun dai contignidôrs o dongje di dutis lis areis dedicadis a une racuelte particolâr e/o intal rispjet des indicazioni furnidis dal personâl di custodie.

Art. 8 - Oblics e improibizions

Inte plaçute ecologjiche no puedin jessi lassâts refudums diferents di chei che a vegnin indicâts intal art. 9 dal Regolament presint.

Al è severementri improibît sostâ o lassâ machinis, bicicletis e motociclis dentri de aree de plaçute ecologjiche in plui dal timp stretementri necessari pes operazions di scaric dai refudums.

Par reons di sigurece, lis operacions di racuelte e di caric fatis des ditis autorizadis, pal solit, a scuegnin jessi distrigadis di là dal orari di viertidure de plaçute al public.

Al è severementri improibît, aes personis no autorizadis, lâ dentri des benis e dai container che a vegnin doprâts pe racuelte dai refudums.

Al è severementri improibît, aes personis no autorizadis, cualsisei operazion di cernite, di recupar, di sbisiade o di racuelte di ogni gjenar di materiâl lassât inte plaçute ecologjiche.

Gjavant lis disposizions di leç, in câs di abandon dai refudums inte aree esterne ae plaçute ecologjiche, i assegnâts ae custodie a àn di proviodi a segnalâ ce che al è avignût ai servizis comunâi competents e/o al Gjestôr, e a furnî ogni informazion utile pe identificazion dal responsabil dal abandon. Intal câs che nol sei pussibil identificâ l'autôr dal abandon dai refudums, il personâl di custodie, su indicazion dal Gjestôr, al proviôt ae rimozion dal materiâl che al è stât lassât e al conferiment coret dal midiesim.

La utence, che e fâs operacions di conferiment dai refudums, no à di lassâ chescj difûr dai contignidôrs o des areis previodudis a pueste. In câs di versaments ocasionâi, cuant che lis operacions a son ultimadis, l'utent al scuen proviodi a une pulizie adeguate de aree interessade.

Lis personis che, dentri de plaçute ecologjiche, a fasin operacions di conferiment dai refudums, a scuegnin tignî, sot la proprie responsabilitât esclusive, comportaments che no crein dams a lôr o a altris personis o robis presints inte plaçute stesse.

Art. 9 - Servizis di racuelte atîfs li des plaçutis ecologjichis

ROTAMS DI METAL

Refudums ametûts

Canis, rêts, imprescj, lamarins, termosifons, pignatis, fuscj e vie indevant.

Refudums no ametûts

Telârs di machinis, imbalaçs che a son contaminâts di sostancis pericolosis, plomp, bombulis dal gas e estintôrs.

REFUDUMS INTRIGÔS

Refudums ametûts

Cjadreis, materàs, poltronis, mobii, tendis par parâsi dal soreli, imprescj di gjinastiche, zûcs di zardin, têi di cuvierture, lampadaris e vie indevant.

Refudums no ametûts

Eletrodomestics, refudums che si puedin recuperâ, refudums contaminâts di sostancis pericolosis, refudums fraits e refudum mist di dimensions piçulis.

VERT

Refudums ametûts

Jerbe e sfalç, fueam, cerpiduris e bradascjjs, plantis.

Refudums no ametûts

Refudum organic umit, tiere e claps, materiâl cun presince di fil di fier, manufats in len, troncs e roncjadis.

Prescrizions ulteriôrs

Il materiâl al va consegnât di bessôl, i sacs di plastiche eventuâi a àn di jessi gjavâts dal utent.

Al è ametût nome il conferiment dal refudum vegjetâl che al ven fûr de partignince de abitazion o dal edifici che al è sede de ativitât.

BENS CHE A DURIN REFUDUMS DI APARECJADURIS ELETRICHIS E ELETRONICHIS

Refudums ametûts

Frigorifars e congeladôrs, laveblancjarie e lavemassarie, condizionadôrs, computer, monitor e televisôrs.

Altris aparecjaduris eletrichis e eletronicis di proveniencie domestiche, daûr dal Decret Legislatîf n. 151 dal 2005.

Refudums no ametûts

Aparecjaduris professionâls tant che bancs frigorifar, lavemassarie e laveblancjarie di comunitât, e vie indevant.

PLASTICHIS DURIS (polietilen e polipropilen)

Refudums ametûts

Cjadreis e taulis di zardin, cassetis rigjidis, cane ingrispade par edilizie, vâs e sotvâs, selis par idropiture, fuscj e tanichis, selis, bacinelis e cestelins di ûs domestic.

Refudums no ametûts

Cane ingrispade par implants eletrics, zugatui, canaletis par implants eletrics, canis e altris manufats in Clorûr di Polivinîl, lastris in plexiglass e policarbonât, centis di cantûr, persianis e gridelis, imbalaçs in plastiche (gjavant fûr lis cassetis pes pomis e pe verdure).

Prescrizions ulteriôrs

I materiâi a scuegnin jessi cence vanzums evidents.

LEN

Refudums ametûts

Len naturâl, imbombât, tratât o vernisât: mobii e altris manufats in len e in vimine, mobii e panei in len aglomerât, compensât, rimessât, tamburât e vie indevant, imbalaçs in len (bancâi, cassetis des pomis e vie indevant), taulis e trâfs, sieraments in len, troncs e roncjadis;

Refudums no ametûts

Len imbombât con *creosoto*, traviarsins ferroviaris e pâi dal telefon.

Prescrizions ulteriôrs

Se a son presintis lastris di veri, chestis a àn di jessi gjavadis dal utent prime dal conferiment.

INERTS DI PROVENIENCIA DOMESTICHE

Refudums ametûts

Sanitaris, vâs di crep e di ceramiche, plats e cjicaris in ceramiche, piastrelis, cjalcinaçs, modons e cuet, lastris e altris manufats in ciment.

Refudums no ametûts

Tiere di sgjâf, manufats in ciment-amiant (*eternit*), materiâi contaminâts di sostancis pericolosis.

Prescrizions ulteriôrs

Il servizi al è risiervât aes utencis domesticis. Al è permetût un cuantitatîf massim di cincuant litris par ogni conferiment (ecuivalent plui o mancûl a trê selis, une cariole o un sanitari), che al è ripetibil al massim par trê voltis vie pal an.

VUELIS E GRAS VEGJETÂI

Refudums ametûts

Vuelis e gras vegjetâi esaurîts par ûs alimentâr, di esclusive provenience domestiche e al stât licuit.

Refudums no ametûts

Vuelis minerâi, solvents, emulsions, gras al stât solit e vie indevant.

LAMPADIS FLUORESSSENTIS E SIMILIS

Refudums ametûts

Canis fluoressentis.

Altris sorzints luminosis fluoressentis fissis.

Refudums urbans di provenience domestiche cun dentri mercuri (par esempi: termometris a mercuri).

Prescrizions ulteriôrs

A son ametûts nome refudums di provenience domestiche.

PITURIS E VERNÎS DI SCARTUM

Refudums ametûts

Refudum cun pituris e vernîs di scartum e relatîfs imbalaçs primaris.

Prescrizions ulteriôrs

A son ametûts nome refudums di provenience domestiche.

UMIT (pes prescrizions si rimande al art. 2).

SEC VANZÂT (pes prescrizions si rimande al art. 2).

CJARTE E CARTON (pes prescrizions si rimande al art. 2).

IMBALAÇS IN PLASTICHE (pes prescrizions si rimande al art. 2).

IMBALAÇS INDUSTRIÂI IN PLASTICHE

Refudums ametûts

Imbalaçs costituîts di pelicule di polietilen rigjide o estensibile, trasparente o colorade.

Righete in plastiche.

Refudums no ametûts

Polistirûl, cassetis, rêts e têi pe ativitât agricule, têi e nylons pes seris, pai orts e par ûs simii.

CARTON

Refudums ametûts

Imbalaçs in cjarte e in carton.

Prescrizions ulteriôrs

Dutis lis imbaladuris eventuâls, in plastiche o in polistirûl, a àn di jessi gjavadis fûr.

Cualsisei prodot che nol è di cjarte al à di jessi gjavât fûr.

Art. 10 – Plaçutis ecologjichis in esercizi

Li dal Comun di Cjampfuarmit a son operativis lis plaçutis ecologjichis seguitivis:

PLAÇUTE ECOLOGJICHE DI BASANDIELE

Direzion: Vie Adriatiche.

Orari di viertidure:

INVERNÂL (ore solâr): buinore 9,00 – 13,00; dopomisdì 13,30 – 17,30.
ESTÎF (ore legâl): buinore 9,00 – 13,00; dopomisdì 15,00 – 19,00.

Zornadis di viertidure:

di buinore: la JOIBE – di dopomisdì: il LUNIS.

Servizi di racuelte e dotazions.

GJENAR DI REFUDUM	MODALITÂT DI RACUELTE	NOTIS
CJARTE – CARTON	n. 1 BENE	
IMBALAÇS IN PLASTICHE	n. 1 CASSON	
VERI	n. 1 BENE	
VERT	n. 1 BENE	
FIER	n. 1 BENE	
INTRIGÔS	n. 1 BENE	
MEDISINIS	n. 1 CONTIGNIDÔR	
PILIS	n. 1 CONTIGNIDÔR	

PLAÇUTE ECOLOGJICHE DI BASANDIELE

Direzion: Vie Moro Romano.

Orari di viertidure:

INVERNÂL (ore solâr): buinore 9,00 – 13,00; dopomisdì 13,30 – 17,30.
ESTÎF (ore legâl): buinore 9,00 – 13,00; dopomisdì 15,00 – 19,00.

Zornadis di viertidure:

di buinore: la SABIDE – di dopomisdì: il MIERCUS.

Servizi di racuelte e dotazions.

GJENAR DI REFUDUM	MODALITÂT DI RACUELTE	NOTIS
CJARTE – CARTON	n. 1 BENE	
IMBALAÇ IN PLASTICHE	n. 4 CASSONS	
VERI	n. 1 BENE	
VERT	n. 4 BENIS	
FIER	n. 2 BENIS	
INTRIGÔS	n. 2 BENIS	
MEDISINIS	n. 1 CONTIGNIDÔR	
PILIS	n. 1 CONTIGNIDÔR	
LEN	n. 1 CONTAINER	
VUELIS VEGJETÂI	n. 1 BIDON	
NEON	n. 1 CONTIGNIDÔR	
REFUDUMS DI APARECJADURIS ELETRICHIS E ELETRONICHIS		

PLAÇUTE ECOLOGJICHE DI CJAMPFUARMIT

Direzion: Vie Vecje Postâl.

Orari di viertidure:

INVERNÂL (ore solâr): buinore 9,00 – 13,00; dopomisdì 13,30 – 17,30.
ESTÎF (ore legâl): buinore 9,00 – 13,00; dopomisdì 15,00 – 19,00.

Zornadis di viertidure:

di buinore: il MARTARS – di dopomisdì: il VINARS.

Servizi di racuelte e dotazions.

GJENAR DI REFUDUM	MODALITÂT DI RACUELTE	NOTIS
CJARTE – CARTON	n. 1 BENE	
IMBALAÇS IN PLASTICHE	n. 3 CASSONS	
VERI	n. 1 BENE	
VERT	n. 1 BENE	
FIER	n. 1 BENE	
INTRIGÔS	n. 1 BENE	
MEDISINIS	n. 1 CONTIGNIDÔR	
PILIS	n. 1 CONTIGNIDÔR	

PLAÇUTE ECOLOGJICHE DI CJAMPFUARMIT

Direzion: Vie C. Percoto.

Orari di viertidure:

INVERNÂL (ore solâr): buinore 9,00 – 13,00; dopomisdì 13,30 – 17,30.
ESTÎF (ore legâl): buinore 9,00 – 13,00; dopomisdì 15,00 – 19,00.

Zornadis di viertidure:

di buinore: il MIERCUS – di dopomisdì: la SABIDE.

Servizi di racuelte e dotazions.

GJENAR DI REFUDUM	MODALITÂT DI RACUELTE	NOTIS
CJARTE – CARTON	n. 1 BENE	
IMBALAÇS IN PLASTICHE	n. 4 CASSONS	
VERI	n. 1 BENE	
VERT	n. 3 BENIS	
FIER	n. 2 BENIS	
INTRIGÔS	n. 3 BENIS	
MEDISINIS	n. 1 CONTIGNIDÔR	
PILIS	n. 1 CONTIGNIDÔR	
LEN	n. 1 CONTAINER	
VUELIS VEGJETÂI	n. 1 BIDON	
NEON	n. 1 CONTIGNIDÔR	
REFUDUMS DI APARECJADURIS ELETRICHIS E ELETRONICHIS		

TITUL IV

GJESTION DI PARTICOLÂRS CATEGORIIS DI REFUDUMS

Art. 11 - Pilis e medisinis

La racuelte di pilis scjariadis e medisinis scjadudis, di provenience domestiche, e ven fat par mieç di contignidôrs specifics che a vegnin colocâts dilunc lis publichis viis o li des utencis coreladis (par esempi: farmaciis, ambulatoris, feramentis, supermarcjâts e vie indevant).

I contignidôrs che a vegnin metûts a pueste pes pilis a puedin jessi colocâts, cun di plui, li dai uficis publics, li des scuelis e li dai istitûts.

Art. 12 - Pulizie des stradis

Il servizi di pulizie des viis publichis principâls al ven fat su la fonde des necessitâts di pulizie che a son verificadis intal cors dal an e, pal solit, in orari diurni.

La racuelte e il traspuart dai refudums otignûts cu la pulizie des stradis, che a vegnin puartâts intun implant di smaltiment adat, a son fats par cure dal Comun cun mieçs e personâl propriis.

Art. 13 - Cestelins stradâi

Dentri dai cestelins stradâi, che si cjatin in areis publichis, a puedin jessi lassâts nome i refudums di piçulis dimensions (par esempi: tavaiuçs e façolets monoûs, piçulis fodris di aliments e bevandis, ocis e vie indevant).

I refudums, che a vegnin fûr dal disvuedament dai cestelins, a son cjapâts sù adun cul sec vanzât e a son puartâts al smaltiment.

I cestelins a vegnin disvuedâts par cure dal Comun o dal Gjestôr cuntune frecuece che e pues sigurâ il funzionament coret dal servizi.

Art. 14 - Refudums abundants

I refudums che a vegnin cjatâts in stât di abandon, daûr dal art. 13 de part gjenerâl dal Regolament presint, cence che il responsabil dal abandon al sei individuât o nol puedi proviodi ae lôr rimozion, a vegnin cjapâts sù par cure dal Comun, cun personâl propri o par mieç dal Gjestôr. Intal câs che i midiesims si puedin assimilâ a vegnin consegnâts al servizi public di racuelte, cu la assicurazion, par ce che al è pussibil, che a saran recuperâts.

Lis batariis al plomp, che a vegnin cjatadis in stât di abandon, a saran metudis dentri dai specifics contignidôrs omologâts daûr des disposizions in vore, e duncje inviadis al recupar par mieç di une imprese convenzionade cul Consorzi Obligatoris pes Batariis al Plomp e pai Refudums di Plomp (COBAT).

La rimozion e il smaltiment des sostancis che a àn dentri ciment amiant o altris materiâi pericolôs e no assimilabii, a dovaran jessi fats di une dite specializade e intal rispjet des normativis in vore.

Art. 15 - Refudums dai marcjâts

I refudums dei marcjâts, dividûts par tipologjie, a scuegnin jessi depositâts li des areis ocupadis di ognidun dai concessionaris o dai ocupants dai puescj di vendite intal marcjât.

I servizis previodûts e lis modalitâts relativis di racelte (oraris, racueltis diferenziadis e modalitâts di conferiment) a son definîts dal Gjestôr, che al podarà ativâ une o plui des racueltis diferenziadis seguitivis: cjarte e carton, imblaçs in plastiche, cassetis di len e frazion organiche umide.

Il Comun, par mieç dal Gjestôr, al proviôt a informâ i sogjets interessâts in maniere adeguate.

TITUL V

COMPOSTAÇ DOMESTIC

Art. 16 - Definion

Par *compostaç domestic* si intint une tecniche par començâ, inte sfere domestiche, un procès di decomposizion aerobiche des sostancis organichis solidis che al è finalizât al otigniment di prodots a base di humus, che a puedin jessi doprâts di gnûf, tant che acolt, intes ativitâts di orticulture, di floriculture e inte cure dai zardins, a nivel di passetimp.

Il procès al è puartât indevant dal utent che, cun mieçs manuâi e/o mechanics, al sigure lis condizions otimâls pal svilup dai organisims che a permetin la decomposizion, cence fâ dams al ambient e ae salût.

Art. 17 - Metodologiis di compostaç

Li dal **Comun di Cjampfuarnit** al è permetût il compostaç domestic nome par mieç dai sistemis seguitîfs:

1. Compostaç in grums al viert, dulà che il grum al vebi lis seguitivis carateristichis indicativis:

- largjece massime de fonde: metris 2,00;
- altece comprendude tra metris 0,60 e metris 1,50;
- lungjece minime a regjim: metris 2,00;
- sezion triangolâr o trapezoidâl.

2. Compostaç in compostiere, dulà che la struture e vebi lis seguitivis carateristichis tecnicis:

- e pues jessi fate in len, in modons, in metal o in rê, o pûr cjolte tra chês in cumierç;
- e scuèn jessi posizionade al viert e a contat cun il teren nût;
- e scuèn vê respîrs che a permetin la aereazion dal materiâl;
- e scuèn vê une cuvieridure o un tapon;
- e scuèn permeti lis operazions di rivoltament.

Cun di plui, al è permetût il tratament de frazion organiche di refudums urbans tratâts in mussulins autorizâts.

Art. 18 - Refudums compostabii

A son compostabilis lis sostancis seguitivis:

- refudums di cusine (scussis di pomis e di verduris, scartums che a vegnin fûr de pulizie de verdure, pan stantiç, vanzums dal mangjâ, fonts di caffè, filtris dal te, scus di ûfs, scussis di coculis, scartums dal pes);

- bradascjis, cerpiduris, jerbe, flôrs e fueam;
- carton, setiç e strissulis di len no tratât;
- vanzums vegjetâi de ativitât di cure dal zardin e dal ort;
- escrements di gjalinis e di cunins su cocjetis di paie, di fen o di setiç;
- cinise di lens.

Al è vietât il compostaç dai materiâi seguitîfs: plastiche e gome in gjenar, metai in gjenar, len cun vernîs o stonfât, cjalcinaç, veri, vuelis par frizi, cocjetis no biodegradabilis par animâi di compagnie, tiessûts, sostancis che e àn acits, sostancis che a son contaminadis di prodots chimics di sintesi e in gjenerâl ogni sostanza che e pues jessi danose pal ambient, cualsisei sostanze no biodegradabile.

Art. 19 - Modalitâts di compostaç

Il compostaç domestic al scuen jessi fat daûr des modalitâts seguitivis:

- a) la aree di compostaç e scuen jessi localizade intal rispjet dal art. 889 dal Codiç Civîl;
- b) e scuen jessi evitade la formazion di lavuachis e di percolâts par mieç di une cuvierture adeguade de aree e/o di une misturazion di materiâi assorbents (setiç, fueis secjis, cinise di lens e vie indevant);
- c) e scuen jessi garantide la ossigjenazion dal materiâl par mieç di rivoltaments periodics e di une misturazion corete dai materiâi;
- d) e scuen jessi sigurât un tas di umiditât adat al svilup dai organisims decompositôrs;
- e) e scuen jessi evitade la formazion di malodôrs;
- f) il materiâl di len di compostâ al scuen jessi taçât in fruçons di dimensions no superiôrs ai trente centimetris;
- g) intal câs che si cjatin pantianis, a van adotâts intervents di bonifiche adats;
- h) al è permetût l'implei di bioativatôrs e di enzimis, des cualitâts in cumierç, pal lescjament e pal potenziament dal procès di decomposizion.

TITUL VI

REFUDUMS DAL CIMITIERI E REFUDUMS CHE A VEGNIN FÛR DES ATIVITÂTS DAL CIMITIERI

Art. 20 - Discipline dal setôr

I refudums dal cimitieri e chei che a vegnin fûr des altris ativitâts dal cimitieri a son disciplinâts dal Decret dal President de Republiche dai 15/7/2003, n. 254.

Art. 21 - Gjestion dai refudums dal cimitieri

Il Comun al à la facultât, dentri dal cimitieri, di creâ un lûc dulà che si proviôt al dipuesit temporani dai refudums in contignidôrs specifics, daûr dal art. 12 come 2 dal Decret dal President de Republiche soreddit. Al colocament dai refudums intai implants di smaltiment si proviodarà cuntun servizi di traspuart justementri autorizât.

Pes parts di metal dai refudums descrits al prin cjâf di rie, che no presentin une contaminazion di materiâl organic che e derive de decomposizion dai cadavars, a son permetûts la racuelte separade e il conferiment al servizi ordenari di racuelte di chescj, daûr dai articui 12 come 5 e 13 come 2 dal Decret dal President de Republiche dai 15/07/2003, n. 254.